

Inatsisit attuumassuteqartut allanngortinneqarnissaannut siunnersuummik UPA 2016-imut Naalakkersuisut suliniuteqaqqullugit peqquneqarnissaat pillugu Inatsi-sartut aalajangiiffigisassaattut siunnersuut, taamaaliornikkut inoqutigii 400.000 kr.-t ataallugit isertitallit napparsimasut angerlarsimaffianni nerisaqarnermut ineqarnermullu akiliuteqartarunnaarsinnaaqqullugit.

(Inatsisartunut ilaasortaq, Anton Frederiksen, Partii Naleraq)

Pinartumik napparsimasoqartillugu ilaquataasut Københavni kalaallit peqqissartut najugaqarfianni ineqartinneqartillugit ineqarnermut aningaasartuutit 2016 aallarnerfigalugu pisortanit akilerneqartalernissaat sulissutigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Mimi Karlsen, Inuit Ataqtigiit)

Akissuteqaat

(Peqqissutsimut aamma Ilaqtariinnermut, Naligiissitaanermut Isumaginninnermullu Naalakkersuisoq)

Siullermeerneqarnera

Inatsisartuni ilaasortaq Anthon Frederiksen Inatsisartunilu ilaasortaq Mimi Karlsen Qallunaat Nunaanni Kalaallit Peqqissartut Illuanni napparsimasunullu akunnittarfinni nunatsinniittuni najugaqarnermut atatillugu qanigisaasunut pitsaanerusumik periarfissiiniartut siunnersuutaat pillugit Naalakkersuisut qutsavigaat. Siunnersuuteqartut innuttaasut amerlaneroqisut najukkamik avataani nakorsartinnissamut atatillugu qanigisaminnut qanittumi najugaqarsinnaanissaat periarfissinniarpaat. Siunnersuutini angalanermut aningaasartuutit pineqaratik nerisaqarneq ineqarnerlu kisimik pineqarput.

Naalakkersuisut peqqinnissaqarfiup innuttaasoq qitiutillugu sullissinissaa pingaartitaraqat. Naalakkersuisooqatigiit isumaqatigiissutaanni tamanna allassimavoq.

Napparsimasut nappaammik peruluutillit pinasuartumik angallanneqartussat qanigisaminnik ingiallorteqarnissamut pisinnaatitaaffeqarput. Nakorsap nappaat inuunermet navianartorsiortitsinersoq aalajangiivigisassaraa. napparsiamasoq perulugunnaartut naliliivigineqaraangat ineqartitsinermet nerisaqartitsinernullu tunngatillugu Peqqinnissaqarfiup pisussaaffii atorunnaartarput. Meeqqat 18-it inorlugit ukiullit ingiallorteqarnissamut tamatigut pisinnaatitaaffeqarput.

Periarfissaqareersunut ilaangitsut, qanigisaasup nappaammik peruluuteqarneranut atatillugu aningaasartuutaalersussat- pisortat ikiorsiissutaannik pisinnaangikkaanni siusinaartumilluunniit pensionisiaqarneq pillugu inatsit aqqutigalugu pissarsinnaangikkaanni matussuserneqarnissaannut toqqaannartumik periarfissaqanngillat. Imminut pilersorsinnaagaanni qanigisaasup nappaammik peruluuteqalerneranut atatillugu

anigaasartuutit tunngaviusumik akilersinnaasariaqarput. Pisortanit ikiorsiissutisaraanni inatsit naapertorlugu qanigisat nappaammik peruluuteqarnerannut/toqunerannut ilisaanerannullu atatillugu angalanermut anigaasartuutit akilernissaannut kommunalbestyrelsi ikiuussinnaavoq. Kommunalbestyrelsip suliani ataasiakkaani nakorsap uppernarsaataanik pissarsiniarnissap pisariaqarnera immikkut aalajangiivigisarpaa.

Siusinaartumik pensionisiaqarneq pillugu inatsit naapertorlugu kommunit naliliinikkut inummut tapiissuteqarsinnaanerit periarfissaavortaaq. Kommuni inummut tapiisarpoq kommuninilu inummut tapiissuteqartarnissamut maleruagassat assigiinngitsut naapertorlugit aalajangiivigineqartarluni. Kommunip inummut tapiissuteqarnermut tunngatillugu inatsisitigut piunasaqaatitaqanngitsumik maleruagassiorsinnaanera, sulianullu ataasiakkaanut atatillugu siusinaartumik pensionisiallip pisariaqartitsineranik immikkut naliliisoqartussaanaera oqaatigineqassaaq. Inummut tapeqartitsinissaq naapertuuppat ataasiarluni anigaasartuutit assersuutit nalinginnaasutut taaneqarsinnaapput isarussat, atisat, pequtit, iluaqusersuutit immikkut ittut, angalanermut anigaasartuutit naapertuuttut assigisaallu.

UKA 2012-imi napparsimasunik ingialluisarneq pillugu nassuiaat napparsimasunut ingiallortaasut angalanerannut, nerisaqarnerannut ineqarnerannullu atatillugu anigaasartuutit nassuiaasoq agguanneqarpoq. 2012-imi napparsimasut 4.500-it missaat najugartik qimallugu nakorsartikkiartortussaapput. Taakkunanga 800-it missaat ingiallorteqarnissamut pisinnaatitaaffeqarput. Taamaalillutik sinneruttut 3.700-it missaat ingiallorteqarnissamut pisinnaatitaaffeqanngillat. Napparsimasut taakku 3.700-it pisortat akiligaannik ingiallorteqassagaluarpata peqqinnissaqarfiup sullissineri il.il pillugit kaajallaasitaq nr. 17 naapertorlugu nerisaqaneq ineqarnerlu kisiisa naatsorsuutigalugit minnerpaamik 20 mio. koruunit anigaasartuuteqarfiunerussassaaq.

Siunnersuutit marluusut arlaanni qanigisat ingiallortaasut inoqutigiinnit 400.000 koruunit ataallugit ukiumut isertitalinneersut kisimik Kalaallit Peqqissartut Illuanni nunatsinnilu Napparsimasunut akunnittarfinni nerisaqarnermut ineqarnermullu akiliuteqartannginnissaat siunnersuutaavoq. Napparsimasunut ingiallortaasut qassit ukiumut 400.000 koruunit ataallugit isertitaqarnerat naatsorsorneqarsinnaanngimmat taama aqqissuusinerup qanoq akeqarnissaa naatsorsorneqarsinnaanngilaq. Ukiumut annerpaamik 20 mio. koruunit anigaasartuutaasussaassapput

Siunnersuutit aappaani Københavnini Kalaallit Peqqissartut Illuanni pissutsit pingaarnertut pitsanngorsaaviginiarneqarput. Napparsimasut Qallunaat Nunaannut nakorsartikkiartortartut najukkap avataanut nakorsartikkiartortartut 25 %-iisa missigimmatigik, ukiumut anigaasartuutit nassuiaammi napparsimasut amerlassusaat tunngavigalugu napparsimasumut qanigisaasut nerisanut ineqarnermullu akiliisassanngippata Kalaallilu Peqqissartut Illuata/ napparsimasunut akunnittarfiit nunatsinniittut piginnaasaasa iluanni ingiallortaasinnaassappata anigaasartuutit ukiumut 5,5 mio. koruunit missigissavaat.

Naalackersuisut peqqinneq annertuumik pingaartippaat, suliaritinnissamut utaqquisunik ikilisaaneq atornerluisunillu katsorsaanerup eqaannerulersinnissaa Naalackersuisooqatigiit isumaqatigiissutaanni allasimasutut suliniutigaat. Naalackersuisut inunnik isumaginninnerup nalinginnaasumik qaffatsinnissaa suliniutigaattaq, anigaasaqarniarnerup ilungersunartumik inissisimanerani Naalackersuisut sanngiiffillit taakkununga ilanngullugit meeqqat

inuusuttullu nakorsarneqarnissaat pinaveersaarnermullu atatillugu iliuuseqarfigineqarnissaat
sallitinniarpaat.

Aningaasaqarniarnerulli ilungersunartumik inissisimanagera napparsimasut ingiallortaannut
immikkut aningaasaliinissaq Naalackersuisunut periarfissiinnigilaq. Naalackersuisulli
sapinngisaq tamaat innutaasut najugaannut qaninnerpaami nakorsartissinnaanissaq,
nappaatinik nakorsaanerup pitsaanerulernissaa pinaveersaartitsinikkullu innutaasuni
peqqissutsip siuarsarnissaa qulakkeerniarpaat.

Qulaani oqaatigineqartut tunngavigalugit siunnersuutip nr. 58-ip 115-illu
itigartitsissutaanissaat Naalackersuisut inassutigaa.